Date: 17 January 1566

**REF**: GD112/39/6/1

Place: Edinburgh

From: Patrick, 3rd Lord Ruthven

To: Colin Campbell of Glenorchy

Address: To his broder ye Lard of Glenwrquhay

Broder efter maist hartly commendatiounis. As to zour affaris yat ze had heir I haif handlyt yaim als weill as I culd. And gyf yai had bein my awne I had nocht tane sa gret labouris yairintyll as my sysster zour bedfallow and zour seruand Androw Quhyt¹ will schaw zow. As for sic newis as accurris heir it is nocht nesyssar to impoiss zow yairwytht in writyne for my syster zour bedfallow will schaw zow ye same at lentht quhom to ze sall gyf credyt. And Crist send zow out of cummer. My bedfallow zour ant makis hir hartly commendatiounis and to zow and I in likwes. Writyne at Edinburgh ye xvij day of Januar instant.

Zowr assuryt broder at his power

Ruthven

<sup>&</sup>lt;sup>1</sup> One of the Whyte family who served the Glenorchy Campbells as clerks.